

王九峯醫案精華

上海秦伯未編纂

時邪

風溫不可發汗。而亦宜微汗。否則邪從何出。大抵風溫之邪從上。有風溫從陽。溫化熱。上焦近肺。肺先受邪。肺爲嬌臟。兩陽薰灼。津液受劫。古方有萎蕤湯。以玉竹之甘潤滋柔之品。以保胃液。俗醫輒投羌活柴葛。以發汗劫津。失其旨矣。當與辛涼輕劑。清解爲先。議梔豉合涼膈方法。

黑梔 豆豉 萸皮 薄荷 連翹 黃芩 象貝母 杏仁 橘紅 桑葉 梨

肝腎陰虧。中虛濕痰不化。左肋痞硬年餘。前日觸不正之邪。寒熱疊作。旋即自汗肢冷。前師投以參附。汗止陽回。詎知邪乘虛陷於陽明。與濁痰交併。胃中內熱。神識明寐不清。洩赤便閉。胸痞舌苔灰黑。四肢指節蠕動。陰傷熱熾。風木鳴張。慮其轉入心胞。有神昏瘳厥之變。議用苦降辛開。兼育陰以回護心胞。

速退乃佳。當延高明酌裁。

黃連 乾薑 半夏 黃芩 鬱金 北沙參 麥冬 薤仁 青皮 枳實 竹茹

又。昨用苦降合清營之法。內熱稍緩。苔亦較化。脈亦較和。惟脘痞格拒。腑氣不通。日晡熱甚。陽明之滯未下。火邪劫燥陽津。慮陰液消亡。發爲陷症。議甘寒泄熱。佐和中潤下治之。

北沙參 麥冬 鬱金 青皮 薤仁 半夏 丹皮 川貝 茯苓 鮮石斛 海螵 白蔞

染時邪初診。神迷不能語。牙關緊閉。發熱面紅。口甜痰沫粘膩。小溲自遺。四肢不舉。脈浮洪。舌苔滑膩。據述在軍前甫回。旋即寒熱。復食生冷。竊思病情始因驚恐。復感秋邪。痰熱蒙閉。先用至寶丹。石菖蒲竹油汁湯下一時許。神即清爽。再用煎方。

葛根 川貝 連翹 瓜蒌 丹參 枳殼 半夏 玉竹 竹瀝 菖蒲

病後復勞感邪。虛邪襲入。始發寒熱。今則寒去而熱蒸蒸。蘊於脾肺兩經。

舌苔白厚。有汗而熱不清。溺赤似痛。脈數而濡。腠理空疏。是以多汗。陰虛夾痰。蘊戀於絡。議景岳服蠻煎。加竹葉石膏湯主之。

生地 橘白 木通 半夏 知母 丹皮 麥冬 澤瀉 茯苓 石膏 蔗皮 葶薺 竹葉

秋邪伏熱。月餘不解。汗淋之後。熱退不清。口乾舌燥。渴不欲飲。不思飲食。伏邪傷陰。耗氣少陽。陽明不和。所服之方。俱在理路。顯然邪陷於陰。不能外達。擬黑逍遙散加減。

柴胡 青蒿 生地 當歸 丹皮 甘草 澤瀉 山藥 茯苓 陳皮 穀芽

斑疹隱隱。發而未透。喉疼手足麻。頭身皆痛而喘。脈伏邪閉。肺胃多病。防成呃喘之患。所服之方。頗爲合理。仍依原法治之。

升麻 羌活 防風 葛根 甘草 桔梗 大力子 蟬衣 茅朮 筍尖 羌安 陳皮

疫邪兩候。陰分已虛。熱糊不清。口渴多飲。舌黑底絳。譫語不甯。痰咯不爽。脈象弦滑。伏邪化熱。熱鬱不達。傷陰損精。正虛邪實。暫擬養陰化痰。兼開太陰。

鮮地 羚羊 赤芍 丹皮 赤苓 知母 黃芩 元參 半夏 車前 地栗 陳米

霍亂

細推此病大旨。熱在胃脘。寒在丹田。寒熱交爭。上下格拒。且吐必傷胃。胃傷則口渴引飲。瀉必傷脾。脾傷則肌肉頓消。土衰木必乘之。肝屬木而主筋。此轉筋之所由來也。先於兩腿灣委中穴刺出惡血。再進來復丹錢半。轉其陰陽。不使清濁混淆。然後議服煎方。寒熱並用。補中和中。所慮脈虛症險。慎防汗脫亡陽。盡人力以挽回。勉方候酌。

姜汁炒黃連 白朮 半夏 乾姜 厚朴 茯苓 吳萸 杏仁 陳皮 木香 灶心土

陰陽水煎

咳嗽

肺主咳屬金。金空則鳴。金實則嘔。金破則嘶。素本煩勞過度。肺虛招風。氣

機不展音聲不揚。已延一載。上損於下。防成肺痿。

孩兒參 杏仁 牛蒡 茯苓 炙草 半夏 陳皮 桔梗 蘇梗

素有疝疾。不受溫補。肺爲嬌臟。不耐邪侵。去秋瘧後中傷。濕痰上僭。餘風未楚。乘虛犯肺。痰嗽不舒。日以益甚。冬末齒痛。虛火上升。肺金益損。入春以來。脅肋隱痛。面色戴陽。顯係腎虛。子盜母氣。非其所宜。

生地 白芍 杏仁 桃仁 蘇梗 苡仁 麥冬 桑皮

實火宜瀉。虛火宜補。風火宜清。宜散。鬱火宜開。宜發。格陽之火。宜衰之以屬。所謂同氣相求也。水虧於下。火越於上。厥陰繞咽。少陰循喉。久咳音啞。喉痛口乾。不欲飲冷。脈豁。按之不鼓。格陽形症已著。清火清熱。取一時之快。藥入則減。藥過依然。所謂揚湯止沸。終歸不濟。導龍入海。引火歸源。前哲良謀。無效者鄙。見淺陋也。小徒暫清肺氣之法。尙屬平穩可服。再擬金匱腎氣。竭其所思。未知當否。多酌明哲。

金匱腎氣丸

久咳聲啞。每咳痰涎盈碗。食減神羸。苔白厚。脈雙弦。中虛積飲。土敗金傷。水濕浸淫。漬之於肺。傳之於脾。注之於腎。三焦不治。殊屬不宜。

真武湯

又連服真武。雖效亦非常法。第三焦不治。肺腎俱傷。當宗經旨治病必求其本。從乎中治。崇土既能抑木。亦可生金。脾爲生化之源。輔脾卽能補腎。爰以歸脾六君加減。徐徐調治。

歸脾六君湯

脈來細數兼弦。症本臟陰營液俱虧。木擊金鳴。下損於上。精血脂膏不歸生化。悉變爲痰。咳嗽痰多。喉疼音嘶。乍寒乍熱。自汗盜汗。氣促似喘。腹鳴便泄。二氣不相接續。藩籬不固。轉瞬春通陽升。有痰湧喘汗暴脫之虞。從陰引陽。從陽引陰。質諸高明。

六味地黃湯加 鹿角霜 五味 桃肉

症緣秋燥傷肺。痰嗽不舒。繼又失血。入春以來。痰嗽益甚。偏促似喘。內熱便瀉。形神日羸。飲食日少。腎損於下。肺損於上。上損從陽。下損從陰。上下交損。從乎中治。脈來細數無神。虛勞之勢已著。謹防喉痛音啞。吐食大汗。

異功散去茯苓加生姜 山藥 冬蟲草

清上則肺不畏火之炎。實下則腎有生水之漸。腎水乘制五火。肺金運行諸氣。金水相生。喉之腫痛全消。胸中逆氣已解。飲食亦進。夜來安寐。惟平明咳嗽猶甚。脈仍微數。肺胃傷而未復。仍求其本。

六味地黃湯加麥冬 桔梗 孩兒參 蘆根

脈滑而數。風傷肺。痰鬱肺胃。夏令脈洪數。前月初診。脈沉滑而數。沉者陰也。滑者陽也。痰也。數者火也。邪伏化熱生痰。所以用蘇杏甘桔開提。冀夏理肺胃。不治咳嗽而咳嗽自解。不治痰而痰自出。用羅蔔汁以調肺展其氣化。清肅

漸行咳嗽少緩矣。

蘇梗 桔梗 杏仁 甘草 牛蒡 前胡 梨汁

言乃心之聲。賴肺金以宣揚。肺如懸鐘。配胸中爲五臟之華蓋。空則鳴。實則咳。破則啞。肺爲仰臟。出而不納。二十四節按二十四氣。最嬌之臟。不耐邪侵。毫毛必咳。肺主氣爲水之上源。受邪入絡。必順歸腎。爲痿爲咳。爲啞。凡如此者。人不知。總之曰爲癆症。六淫之邪不去。皆可成癆病。延今載餘。聲音不出。金已破矣。病者不知。醫須揣其情本。以木火通明。經以營出中焦。資生於胃。下益腎水。來濟五火。火不灼金。金不泄氣。燥不耗水。爲妙。今日喉痛已止。咳減痰少。喉聲稍開。從原方加減候酌。

孩兒參 粉甘草 山藥 馬兜鈴 牛蒡元米炒 茯苓 桔梗 蘇梗 沙參 杏仁 豬膚

花粉 雞子清 瓜子殼 霜乾菜

又 病原已載前方。疊次聲明。不須再贅。金水難調之候。全在靜養功夫。天命

爲重。非人力所爲。叨屬親誼。敢不盡言。病由外感內傷。必由中而外達。鬱久不達。非升麻不可。病將一載。聲音不出。邪不出也。擬用補中益氣加減候酌。

補中益氣湯去蒼朮加山藥 陳乾榮

腎主納氣。肺主出氣。咳爲肺病。喘爲腎病。皆緣先天薄弱。後天生氣不振。母令子虛。金水兩傷。肝臟陰虛。陽僭。是以噎咳咽痛。動勞則喘。擬金水六君煎加減。

生地 半夏 沙苑 洋參 麥冬 紫苑 陳皮

素有咳。噎。冬令卽發。自季秋咳嗽。延今不已。動勞氣逆。痰不易出。上熱下寒。兼食洋烟。胃陰消燦。下耗腎水。引動肝木。氣有上而無下。故上熱下寒。腎虛則喘。肺虛則咳。氣耗陰傷。故痰不爽。議養陰肅肺。兼柔肝納腎之治。

沙苑 麥冬 牛膝 毛燕 橘紅 川貝 桑皮 紫苑 夜合花 蛤粉 枇杷葉

肺主氣爲水之上源。膀胱爲津液之府。氣化乃能出焉。久咳肺虛。清肅之

令不降。日中洩短。臥則清長。夫人臥則氣歸於腎。腎司二便故也。議培土生金。兼滋腎水。俾天氣得以下降。而陰濁自化矣。

北沙參 百合 料豆 杏仁 山藥 茯苓 女貞子 枇杷葉 橘紅 車前子 沙苑

蓮子 夜合花

先天薄弱。水不養肝。肝火易動。心相不寧。三陰內虧。火冲血上。下有痔漏。常多夢泄。失血後。乾噎作嗽。喉痛聲啞之患。草木之功。不能補有情之精血。必得撤去塵情。如鐵石。靜攝天真。精血復得下。病可減去三分。此機宜從。否則有仙丹亦屬無濟。擬丸代煎。徐徐調治。

河車 北沙參 川貝 白芨 鰻魚 懷藥 燕根 茯神 牡蠣 蛤粉 芡實 老尿壺一

具以長流水浸三日。夜去燥味。將牡蠣鰻魚投入壺內。童便灌滿。以黃泥封固。以文火燒一日。夜次日取出。鰻魚骨用麻油炙研。再入羣藥和勻。搗作餅。晒乾烘脆。研細末。化儀膠作丸。和服。無儀膠即

用玉竹膠

血證

經曰。中焦受氣。取汁。變化而赤。謂之血。出於中焦。而主於心。故五臟各有守經之血。而六腑則無矣。其散於脈內者。隨衝任二經。遍行經絡。散在脈外者。充溢於肌腠皮毛之間。凡吐血衄血。牙齦齒縫出血。散在經絡之血。湧而上決者也。近人謂巨口失紅。及牙齦縫出血者。爲胃血。此說誤人不淺。蓋胃爲外腑。職司出納。爲水穀蓄洩之區。其中並無一點一絲之血。夾雜內中。卽牙宣出血一症。亦不過胃熱熾甚。肉不附骨。故血熱而上湧。其牙不宣而血者。乃陰竭於下。陽亢於上。龍雷之火。衝激胃絡。錢氏所謂骨漏是也。恙起於一月之前。齒縫出血。牙並不宣。多則血流盈盞。晝夜十餘作。發時面赤目赤。煩擾不安。近雖小愈而漏不已。脈本六陽。刻下見症在胃。而所以致病。實由肝腎。急宜珍珠母丸。合玉女煎加減。俾龍得下潛。然後陽明方有甯宇。

珍珠母 石膏 麥冬 洋參 羚羊角 花粉 龜版 石斛 龍齒 丹皮 白芍 菊花

藕汁 珍珠母丸

足陽明脈起於鼻。挾口環唇。蓋鼻準屬脾土。鼻孔屬肺金。而胃統之。產後口鼻起黑色而衄。乃瘀血入肺。肺絕胃敗之候也。急擬二味參蘇加附子治之。

黨參 蘇木 附片

■ 瘧疾

舌苔邊赤心黃。邪陷於裏。化熱動痰。致令熱甚譫語。煩渴不安。脈來細弱。心經瘧也。若投表散劫津。而瘧厥至矣。

犀角 元參 銀花 連翹 麥冬 辰砂 拌 竹葉

產後血絡空虛。腠理不密。易於感受。暑邪必須從肺而入。繼傳營衛而發。寒熱間日而作。嘔喘胸痞。口渴少飲。皆暑熱傷胃。劫津耗氣也。此虛人夾雜時邪。只宜和解。不可發散膩補。

蘇梗 玉金 花粉 黃芩 杏仁 川貝 丹皮 橘紅

產後陰虛。瘧疾鼻煤。喉燥舌乾。脘痞不饑。大便壅塞不通。乃陽明津不上供於肺。肺少津液以濟大腸也。仲景云。陰氣先傷。陽氣獨發。故不寒但熱。後人以飲食消息。取義甘寒。倣此爲法。

西潞黨 麥冬 杏仁 知母 烏梅肉

瘧延數月。脾腎已傷。兼之抑鬱。肝木下升。胸中氣逆。咽喉不舒。脈來弦滑。按似帶數。正氣久衰。大便燥結。邪熱內熾。日漸燦津。陽明失其傳送之職。宜以逍遙加健脾潤腸。

柴胡 鱉甲 龜版 薏利 當歸 桂枝 蘇子 大麻仁 白芍 白朮 陳皮 香附

佛手 棗仁

久瘧愈而復發。脾腎交傷。濕邪逗留中焦。遂致遍體作浮。指按成窩。脈寸澹。關尺軟。正氣久傷。防水鼓之危。姑議淡滲以利濕邪。扶正固本佐之。

首烏 白朮 青陳皮 黨參 白蔻 茯苓 茅朮 柴胡 桂枝 鱉甲 薏藜 姜棗

□ 濕 熱

腎司五液。入心則汗。汗爲心液。血主濡之。氣主煦之。汗多氣虛。心煩火升。思慮太甚。脾虛濕拒。因濕鬱化熱。濕熱之爲病。非是一端。入肺則喘。乘脾則腫。傷陰則痔。患便血。傷陽則肢重多汗。脈來滑疾。按之不靜。濕熱內鬱。是其明徵。斯時當以濕熱爲主。其肝腎之藥。暫從緩投。俾清升濁降。濕熱下行。再進乙癸之法。

冬朮 茯苓 陳皮 甘草 石斛 澤瀉 黃柏 橘絡 絲瓜絡

脾主四肢。肺主氣。肝主筋。腎主骨。陽明主肌肉。胸之大絡。屬於太陰。思爲脾志。實本於心。所謂肝虛生風。脾虛生濕。血虛生熱。氣虛生火。况胸胃不開。絡脈不和。時令當暑。濕熱交淫。熱迫於中。氣虛易盛。陰虛觸熱。必生異端。地黃乃補陰之良劑。人參乃益氣之良方。奈胸胃不開。熱地滋膩生濕。所以暫停。擬崇土滲濕。養胃生陰。和陽明以通經絡。導濕熱於膀胱。氣化有權。濕行痰運。必先

歲氣。毋伐天和。然乎否乎。

人參 於朮 木瓜 酒炒 灸草 茯神 當歸 狗脊 老雅屯 陳皮
車前子

■ 黃疸

黃爲土色。脾爲土臟。脾爲濕熱薰蒸。則中央正氣發越於外。脾虛不能統血。肺與大腸相表裏。火甚灼金。逐血妄行。血去陰傷。宗氣上浮。虛里穴動。疾因血得。濕熱內損。腹中臌脹。血不歸經。脾失統攝之司。黃如草木。此非黃家正色。乃中土久虧。無以奉秋收之令。脈來滑數無神。當從蓄血發黃論治。

熟地 茯苓 澤瀉 車前子 歸身 荊芥 地榆 枯苓 烏梅 川斷 冬朮 蜜丸

■ 痰飲

痰飲之作。必由元氣虧乏。及陰盛陽衰而起。以致津液凝滯。不能輸布。留於胸中。水之清者。悉變爲濁。水積陰卽爲飲。飲凝陽則爲痰。若果真元充足。胃強脾健。則飲食不失其度。運行不停其機。何痰之有。金匱曰。外飲治脾。內飲治腎。臨症權變。痰飲怔忡。欠寐嘔吐。膠痰色紅。投溫胆法。雖能安寐。而膠痰不盡。或欠寐心煩。後加黑山枝服一劑。煩定寐安。去山枝。惟氣逆作吐。改服旋覆代赭湯。兩劑氣逆已減。而痰仍未盡。仍用二味。加白芥子海浮石三劑。膠痰已清。飲食不多。改用理脾法。

二陳湯加 山藥 沙參 歸身 蔻殼

衝任並損。脾腎雙虧。壯年產育過多。精血不足。營養心脾。心脈循胸出肋。脾虛不能爲胃行其津液。凝滯成痰。隨氣流行。乘虛而進。先犯心脾之絡。是以胃脘當心而痛。橫侵脇肋。攻衝背脊。膨悶有聲。時作時止。乃痰飲之徵。夫氣血猶泉流也。盛則流暢。暢則宣通。少則凝澁。澁則不通。不通則痛。無急暴之勢。惟

連綿不已。虛痛用藥大旨。培補脾胃。以資衝任精血之本。宣通脈絡。以治痰飲之標。擬丹溪白螺丸。合景岳大營煎加減。

熟地 當歸 白螺 半夏 枸杞子 沒藥 茯苓 於朮 胆星 草寇 陳皮 五靈脂

水爲丸

又大營煎之養血。白螺丸之祛痰。營血漸生。宿痰漸化。脈絡通調。痛何由生。精血充滿。痰無以生。痛已年餘。近時又復作。此精血未能充足。痰飲猶存。蔽障經中。氣爲之阻。自述病時小便如淋。乃痰隔中州。升降失司。擬養陰絡。古之成法。藥機合宜。原方增損。

熟地 洋參 草果 益智仁 陳皮 甘草 當歸 姜黃 半夏 元胡 白螺壳 山枝

姜 棗

胃之大絡。名曰虛里。宗氣跳躍。薐嗽有年。肺腎交傷。氣促似喘。常吐清痰。氣虛夾飲。發則喉疼。肝陽擾動。心火水虧。不能制陽。五臟諸飲。大旨溫腎調脾。